

華東卷

【上編】



地方志人物傳記
資料叢刊

國家圖書館編

北京圖書館出版社

【華東卷】

上編

第五三冊

地方志人物傳記資料叢刊

國

家

圖

書

館

編

北京圖書館出版社

第五十三冊目錄

(同治)鉛山縣志(二)

人物	一
孝友	八五
善士	一一一
善舉	一八七
隱逸	一九一
方技	一九四
寓賢	

(同治)廣豐縣志

人物志	二〇五
名臣	二一七
宦業	三〇一
理學	三〇七
儒林	三三七
文苑	三八五
忠義	四二三
孝友	五二三
善士	六四五
隱逸	

鉛山縣志卷十七

人物

孝友

宋

劉煒字之道孤溪人嘉祐四年狀元調河中節度判官祖母不習風土煒白府解官侍養詔移建康他日祖母卒力請承重府尹上其事詔下禮官議從之有宋以來嫡孫有諸叔而承重者自煒始歸葬哀慕盡節州間稱孝焉嘗買田以贍族人之不能自食又結廬以處遠方之學者縣改其里曰義榮社榜其學曰義榮齋其讀書處

曰清風峽今人稱爲狀元山著有東歸集十卷祀鄉賢

祠並祀羣賢堂

舊志

按舊志之道平日好爲險語歐陽公惡其壞文體欲抑之一日知貢舉以朱筆橫抹其卷時人謂之紅勒帛後舉歐復爲主考以堯舜性仁論命題得一卷云靜以延年獨高五帝之壽動而有勇形爲四凶之誅公稱賞擢爲第一唱名乃劉輝人曰此卽劉幾也公愕然久之自是塲屋傳誦文體一變議者旣服歐公有力於斯文而又服之道能精於變云

按之道請承重發前賢所未發偉矣予充議大禮未

能特出一見前之人不能無疑焉雖然未可厚非也
王文成夜坐詩云無端禮樂紛紛議誰與青天掃積
塵陸澄初論追崇之非後言質之臣師乃大悔恨則
文成又別有說矣子充傾心文成者意必不安于濮
議而又重違眾故不强諫歟之道往矣倘起九原而
詢之緣情而制協義而爭吾知其必有當也善乎胡
鐸之言曰主上天性不可違人情亦不可拂吾於此

俯仰於劉費之間云

舊志抄

按之道大魁天下而名位不顯似難置諸名臣宦業
之列惟以孫承重開于古純孝之則立萬世人倫之
極百行孝爲先其他皆緒餘耳故以冠諸孝友之首

周十公諱翥字雲通號東山邑新政鄉人執羔之曾祖也
以孝行著仕內臺中書有聲十歲喪母吳氏哀慕如成
人嘗從外氏卜墓地行次鉛山夜夢人告曰翼日山下
有雉飛出卽爾母塋處黎旦行里許果見一雉夾起草
莽中遂塋其處子曰沃太學上舍仕至朝請卽孫霖熙
甯間以孝行薦授閩南府教會孫執羔策進士第官至
禮部尙書子孫蕃衍多登仕版人或謂其先世孝行有
積累而然祀羣賢堂

舊志

尹清熙甯間人嘗割股愈親疾州縣以聞詔立昭孝坊旌

之祀羣賢堂

舊志

申世甯字百安居邑通利坊舊名申家巷紹興六年潘達
兵襲鉛父年逾七十未及出戶遇賊賊意其有藏金欲
殺之世甯年未冠亟引頸代賊感其孝兩全之趙士初
辛棄疾有詩朱文公爲書報本坊木牌樓至今尙存祀

忠義祠並祀羣賢堂

通志

趙士初詩 鉛山乃靈山號爲七寶庫有時地愛寶
人傑時一付禮闈較文章發爲性仁賦盛美固不絕
且作孝忠路時凶盜賊多熾焰不容捕長驅斬關來
提揮遠相訴申生本醫家首衝眾賊怒有子趨而前
悲泣濕衣絢頸代父之死三刀色不怖賊日汝子孝
解衣視血汚以此兩全生父子歡
如故何不上用君老老言全壽
辛棄疾詩 六月烈日正中時有義將號羣凶平
人血染大溪浪比屋焰照驚湖峯白刃紛紛蔽行路
六合茫茫何處去妻見夫亡不敢啼母棄兒奔那忍

顧藥市申翁鬢有霜卧病經時不下床平生未省見
 兵革出門正爾逢虎狼虎狼滿市如流水追索金縉心
 未已可憐累世積陰功今日將為兵死鬼世甯孝行
 何高高慨慷性命輕鴻毛此時自欲赴黃壤欣然延
 頸受霜刀至孝感今天地動白日無光百川湧三刀
 不死古今稀一命自有神靈擁羣賢激賞爭作歌要
 使浩名長不磨何時上書
 達天聽詔加旌表高嵯峨

王小十紹興十三年母病割股以愈之知州葉三省奏乞

旌表門閭改易鄉號仍宣付史館詔悉從之改所居紫

溪鄉為旌孝祀羣賢堂

通志

查繼尹詩 百行孝為先王公天
 性全剖肝愈母疾萬古與鄉傳

明

張紳訓父也多隱德與羣從析產推多取寡

舊志

費鎮字應麒宏祖也六歲喪母哀毀如成人父病禱神到
股以進父歿事繼母張繼祖母徐極孝養痛叔死於仇
謀復之得其人手及而後已嘗捐貲修學校尤多勇畧
正統丁卯閩浙盜起巡撫侍御聞其名召問守禦策使
輓粟至閩惟置書籍數笥歸教子孫子遣從學于莆田
陳康懿之門受尙書五子三登第

府志祀羣賢堂

舊志

費璠鎮子也天性孝友事親養志親沒謹廟祭雖遇遠忌
哀慕如初喪兄弟義居每食合諸房尊幼男女以類聚
一人弗至不食也子宏旣貴益儉約自持常語子姪曰
吾先世慈祥謙約以有今日汝能守此則慶祉永延孝

莫大焉鄉人有以關節請者懸束草於門謝之曰某若開口行囑卽嚙此草終其身無私干章楓山傳曰公之所立不出彝倫日用之常而各盡其所當爲真足以爲

訓也祀鄉賢祠並祀羣賢堂

通志

吳晟字孟陽居雙溪上因以自號事父以孝聞友其弟昺析產讓肥取瘠躬耕課子至老不倦子經能繼其志

舊志

詹檣字汝華醕篤好學試不遇退服耕作暇則講學吟咏

母折足穡日夜扶掖終年未出戶庭分產聽二兄不較

多寡入市貿物憑所索直與之後皆感其誠不忍欺

舊志

劉廷起字國心在城人庠生祖父皆早沒事祖母孝其母

尤多病起侍湯藥及病篤晨夕祈禱刲股和藥以進病
愈人以爲孝感母性畏雷每聞雷起輒跪抱母膝或外
出天陰必疾趨而歸及母歿哀毀骨立葬南關外邵河
潭結廬墓側朝夕禮拜遇雷雨則伏墓號泣雨淋沾體
俟雷息乃已一日病在家忽夜半雷雨作城門閉不得
往乃衣冠待旦往墓悲泣時年八十有八矣起沒子懋
芳卽墳旁廬址爲窀穸乃起志也塋後墓旁生梓二本
枝葉連蔭狀若貫絡見者指爲瑞云祀忠義祠舊志
諸國昌字允吉世居報本坊性純孝有臂力能挽百鈞弓
幼與進士胡夢泰遊夢泰稱其孝行日不愧坊名父病

金川縣志 卷之十一
封股瘳之闖賊陷京城與夢泰子存存同棄家行遯不

知所終

舊志

李自澄旌孝鄉上渠人力行孝養母病禱以身代夢神挾

金針刺之翊日遂瘳

舊志

程忠廉字介卿萬歷十四年貢謹厚醅樸善事繼母析產

時於異母弟倍與之孝友特著

舊志

國朝

劉正任父德隆疾篤醫藥罔效正任懼夜默禱割左股肉

以湯進德隆漸甦夢一仙姬捧盃酒水而去明日病愈

縣令趙明鉉獎以儒門真孝

舊志

劉其煥事母余氏以孝聞割股療母疾迄母卒廬墓終喪

順治十六年舉孝行

舊志

何偉邑庠生與妻祝氏割臂救父縣令潘士瑞獎之祀忠

義祠

舊志

花和仔五十五都花三十子也居燕坂順治十四年母姚

氏爲賊所執奮擲求死賊抽刀欲殺之和仔抱賊按其

刀羣賊競砍之母子皆遇害

通志

按和仔通志載弋陽人然前志載其里居在五十五

都燕坂爲花三十子遇害時年僅十八較弋陽所載

尤詳自當爲鉛山人

舊志抄

楊斐邑諸生甲寅閏變扶七十餘歲老父避寇北岸兩日
不得食冒險得米供之父歿銜哀盡禮著有步鵝山房

稿祀忠義祠

前志

程宗達家貧母老傭力以養妻歐氏助以織衽歐歿或勸
之娶曰安得復有賢如歐者遂終身不續絃際甲寅變
縣命領里中勇士捍衛都綱賊聞其名以厚幣招不從
脅之宗達負母走途遇賊拘至黃栢村值賊營火災母
子得脫撫弟姪成立族里頌義

前志

尹介字惠人康熙甲寅十月十六日遭江楊蘇呂之變介
與父同桎于賊賊索金日鞭朴介意同死賊非計也請

問謂父曰黃金百鎰甕置三泉曷不歸持以獻賊聽喜
令留一爲質介覲父無歸意厲聲曰掘地埋金翳惟父
手我歸胡爲父去後杳無耗賊拷介告以欺賊怒欲梟
之三賊黨陳姓者感其孝挺身三救之得不死併釋其
縛乘間逃歸至家母與妻皆死僅老父在時乙卯十月
十六日也前後月日符合

前志

程允颺字拜宣郡增生庶母楊氏盡奪遺產與已生子颺
颺順承推讓退居食力常負販河口建昌木商高其行
商母病急歸所屯巨木盡委颺後價直倍增兩分其息
其廉取如此以孫巖貴

贈資政大夫前志

程士彪字元木號文溪父允麟十齡孤產本裕爲舅氏經紀日落甲寅變士彪甫五齡徙家避之賊平舊居爲強者據遂居南郊數年家始復產存者僅五百畝某以宿逋日闕於門償五六百金不得止戚友諸積不平索券視則舅氏所書息錢四十貫而已弟象深承從父允銓嗣家允豐無行蕩產士彪三十年居積已拓田二千石竹山八百畝矣憐弟貧爲授宅一區田八百畝舊志劉觀光字仲昭邑庠生篤於孝雪夜甕無餘粟以三錢沽水酒命婦執壺已從旁諏諧談笑親亦忘其家之貧也